



KERAJAAN MALAYSIA

SURAT PEKELILING AM BILANGAN 2 TAHUN 2019

**PELAKSANAAN KEMPEN HINDARI PENGGUNAAN PLASTIK
SEKALI GUNA DI KEMENTERIAN, AGENSI KERAJAAN
PERSEKUTUAN DAN NEGERI**

JABATAN PERDANA MENTERI

19 Mac 2019

Dikelilingkan kepada:

Semua Ketua Setiausaha Kementerian
Semua Ketua Jabatan Persekutuan
Semua Setiausaha Kerajaan Negeri
Semua Pihak Berkuasa Berkanun Persekutuan dan Negeri
Semua Pihak Berkuasa Tempatan
Semua Syarikat Berkaitan Kerajaan



JABATAN PERDANA MENTERI
PRIME MINISTER'S DEPARTMENT

Blok B8, Kompleks Jabatan Perdana Menteri
Pusat Pentadbiran Kerajaan Persekutuan
62502 Putrajaya
MALAYSIA

Tel. : 03-8000 8000
Fax : 03-8888 3904
Web : <http://www.jpm.gov.my>
Emel : jpm@jpm.gov.my

Rujukan Kami: **MESTECC.600-9/1/5 (81)**

Tarikh: **19 Mac 2019**

Semua Ketua Setiausaha Kementerian

Semua Ketua Jabatan Persekutuan

Semua Setiausaha Kerajaan Negeri

Semua Pihak Berkuasa Berkanun Persekutuan dan Negeri

Semua Pihak Berkuasa Tempatan

Semua Syarikat Berkaitan Kerajaan

SURAT PEKELILING AM BILANGAN 2 TAHUN 2019

**PELAKSANAAN KEMPEN HINDARI PENGGUNAAN PLASTIK
SEKALI GUNA DI KEMENTERIAN, AGENSI KERAJAAN
PERSEKUTUAN DAN NEGERI**

1. TUJUAN

Surat Pekeling Am ini bertujuan untuk menyediakan panduan mengenai pelaksanaan Kempen Hindari Penggunaan Plastik Sekali Guna di kementerian, agensi kerajaan persekutuan dan negeri sebagai langkah untuk mengurangkan pencemaran alam sekitar.

2. LATAR BELAKANG

- 2.1. Kerajaan amat serius dalam usaha menangani isu pencemaran plastik terutamanya plastik sekali guna yang memberi kesan kepada alam sekitar, kesihatan awam dan ekonomi negara.
- 2.2. YAB Perdana Menteri semasa Mesyuarat Jemaah Menteri pada 18 Julai 2018 telah memberi perhatian serius agar dilaksanakan larangan penggunaan produk-produk plastik sekali guna bermula dengan beg plastik dan straw plastik.
- 2.3. Sehubungan itu, Jemaah Menteri telah meluluskan *Malaysia's Roadmap Towards Zero Single-Use Plastics, 2018 – 2030* pada 10 Oktober 2018 dan menyarankan semua Kementerian perlu memainkan peranan antara lain, dengan mengadakan kempen-kempen seperti tiada lagi penggunaan produk-produk plastik *single-use* di pejabat-pejabat kerajaan.
- 2.4. *Roadmap* ini juga telah dibentangkan dalam Mesyuarat Menteri Besar dan Ketua Menteri ke-132 pada 16 Oktober 2018 dan telah diterima baik oleh semua ahli mesyuarat.
- 2.5. Mesyuarat Ketua Setiausaha Kementerian dan Ketua Perkhidmatan Bil. 10 Tahun 2018 bertarikh 27 November 2018 juga bersetuju supaya semua kementerian/agensi

memberikan kerjasama dalam pelaksanaan *Roadmap Towards Zero Single-Use Plastics* dan semua kementerian/agensi melaksanakan kempen dan program berkaitan *Zero Single-Use Plastics*.

3. TAFSIRAN

- 3.1. Kementerian, agensi kerajaan persekutuan dan negeri** bermaksud semua Kementerian, Jabatan Persekutuan, Badan Berkanun Persekutuan dan Syarikat Berkaitan Kerajaan Persekutuan, Pejabat Setiausaha Kerajaan Negeri, Jabatan Kerajaan Negeri, Badan Berkanun Negeri dan Syarikat Berkaitan Kerajaan Negeri serta Pihak Berkuasa Tempatan.
- 3.2. Plastik sekali guna** bermaksud bahan yang diperbuat daripada plastik yang digunakan hanya sekali dan kemudian dibuang.

4. PANDUAN MENGHINDARI PENGGUNAAN PLASTIK SEKALI GUNA

4.1. Semua kementerian dan agensi kerajaan persekutuan dan negeri hendaklah mengadakan kempen menghindari penggunaan plastik sekali guna di organisasi masing-masing semasa mesyuarat, majlis rasmi serta program kerajaan seperti berikut:

- (a) menggantikan botol minuman plastik dengan botol kaca atau menyediakan jag air;
- (b) menggantikan pembalut plastik (*plastic wrap*) di piring/pinggan/mangkuk dengan penutup makanan yang boleh diguna semula;
- (c) tidak menyediakan pinggan/piring/mangkuk/cawan/kutleri bersifat sekali guna serta mengelakkan penggunaan straw plastik; dan
- (d) menyediakan *water dispenser* untuk kemudahan isian semula.

4.2. Selain itu, amalan-amalan berikut hendaklah juga digalakkan:

- (a) membawa bekas makanan, sudu, garpu dan penyedut minuman yang boleh diguna semula untuk kegunaan peribadi;
- (b) menggunakan beg *woven* atau beg khas yang boleh diguna semula semasa membeli makanan dan minuman di kafeteria;

- (c) menguar-uarkan amalan terbaik yang dilaksanakan di dalam semua platform komunikasi terutamanya media sosial bagi menjayakan lagi kempen ini;
- (d) menyediakan bahan promosi berbentuk infografik, video dan lain-lain pendekatan yang dapat membantu pelaksanaan kempen ini; dan
- (e) memberikan penghargaan kepada organisasi dan warga kerja yang komited dalam mengurangkan penggunaan plastik sekali guna.

5. TARIKH KUAT KUASA

Surat Pekeliling Am ini berkuat kuasa mulai tarikh ia dikeluarkan.

6. PEMAKAIAN

Tertakluk kepada penerimaannya oleh pihak berkuasa masing-masing, peruntukan Surat Pekeliling Am ini dipanjangkan kepada semua kementerian, agensi kerajaan persekutuan dan negeri.

7. MAKLUMAT PERTANYAAN

Sebarang pertanyaan berhubung pekeliling ini, hubungi:

Bahagian Teknologi Strategik dan Aplikasi S&T

Kementerian Tenaga, Sains, Teknologi, Alam Sekitar dan
Perubahan Iklim (MESTECC),
Aras 3, Blok C4, Kompleks C
Pusat Pentadbiran Kerajaan Persekutuan
62662 Putrajaya

No. Telefon : 03-8885 8839

No. Faksimili : 03-8885 5969

Laman web : www.mestecc.gov.my/web/plastik

“BERKHIDMAT UNTUK NEGARA”



(DATUK SERI DR. ISMAIL HJ. BAKAR)

Ketua Setiausaha Negara